

NE NOVOM ZAKONU O RADU

Nezavisni strukovni sindikat radnika zaposlenih u zdravstvu u FBiH je društveno odgovorna organizacija koja nikada nije bježala od dijaloga sa svojim partnerima, posebno kada je riječ o stvarima koje se direktno tiču prava zaposlenika. Međutim, Nezavisni strukovni sindikat radnika zaposlenih u zdravstvu u FBiH nikada neće pristati na to da, vlasnici kapitala, krijući se iza trenutne ekonomske krize dodatno derogiraju i umanje stečena prava zaposlenika te da ih pretvore u najamne radnike. Zaposlenici nisu i ne mogu biti smatrani krivcima za visoku stopu nezaposlenosti, nedovoljnog ulaganja u privredu i poražavajuće ekonomsko stanje u državi.

Analizirajući „ Godišnji pregled nezaposlenosti i socijalnog kretanja u Evropi 2013.g“. Evropska komisija je potvrdila da fleksibilizacija koju zagovaraju Međunarodne finansijske institucije, Udruženje poslodavaca te vlastodršci, nije donijela rast zaposlenosti u Evropskoj uniji, da je rezultirala velikim raslojavanjem stanovništva u prihodima, osiromašenju zaposlenih te da su mladi u Evropskoj uniji posebno izloženi atipičnim i nesigurnim oblicima zapošljavanja. Fleksibilizacija koju zagovaraju poslodavci znači:

- Ukidanje Ugovora o radu na neodređeno vrijeme*
- Potpunu nesigurnost radnika*
- Samovoljno otpuštanje radnika po volji poslodavca*
- Stavljanju van snage postojeće Kolektivne ugovore*
- Smanjivanje najniže plate i uvođenje niže i od najniže plate za mlade radnike*
- Smanjivanje i ukidanje termina tehnološkog viška*
- Formiranje agencija za privremeno zapošljavanje.*

Nezavisni strukovni sindikat radnika zaposlenih u zdravstvu u FBiH se oštro protivi ovakvoj fleksibilizaciji zakonodavstva i novom Zakonu o radu te je spreman da svim legalnim sredstvima odbrani prava svojih radnika i njihovo pravo na dostojanstven život koji proističe iz rada i pravo na rad.

S poštovanjem,

*Predsjednik Sindikata:
Prim.dr Abud Sarić*